



**SIARAN AKHBAR  
KEMENTERIAN KEWANGAN DAN EKONOMI**

**LANGKAH-LANGKAH TAMBAHAN  
BAGI MEMBANTU SEMUA SEKTOR PERNIAGAAN  
TERMASUK INDIVIDU YANG BEKERJA DI SEKTOR SWASTA  
DAN BEKERJA SENDIRI SEMASA COVID-19**

Tarikh: 30 Mac 2020

1. Merujuk sidang-sidang media yang lalu masing-masing bertarikh 19hb Mac 2020, 21hb Mac 2020 dan 28hb Mac 2020 berkenaan dengan langkah-langkah *interim* yang telah diambil oleh pihak Kerajaan untuk membantu dan mengurangkan beban kewangan kepada beberapa sektor tertentu termasuk Perusahaan Mikro Kecil dan Sederhana (PMKS) dan sebilangan individu iaitu berikutan dengan wabak COVID-19.
2. Kementerian Kewangan dan Ekonomi bagi pihak Autoriti Monetari Brunei Darussalam (AMBD) dan Persatuan Bank-Bank Brunei (Brunei Association of Banks), sukacita memaklumkan dan untuk menambah lagi langkah-langkah yang telah diumumkan sebelum ini, satu pakej bantuan ekonomi tambahan yang akan mula diperkenalkan pada 1hb April 2020 yang secara keseluruhannya bernilai lebih kurang BND 250 juta dalam bentuk penangguhan pembayaran pokok pinjaman atau pembiayaan dan pengecualian bayaran dan caj. Langkah ini jika dicampur dengan bantuan fiskal yang diumumkan sebelum ini seperti Penangguhan Pembayaran (atau deferment) ke atas Caruman TAP dan



SCP; peningkatan kapasiti pekerja termasuk produktiviti perniagaan akan meningkatkan pakej rangsangan ekonomi untuk Negara Brunei Darussalam bagi COVID-19 adalah keseluruhannya bernilai BDN 450 juta.

3. Pakej-Pakej yang akan saya umumkan berikut adalah khusus untuk semua sektor perniagaan di negara ini dan individu-individu termasuk mereka yang bekerja sendiri (self-employed) dimana dengan bantuan tambahan ini, adalah diharapkan untuk membantu meringankan beban kewangan kepada syarikat-syarikat perniagaan dan individu-individu yang terkesan.
  - 3.1 **PERTAMA**, Untuk membuat penangguhan jumlah pembayaran pokok (principal amount) pinjaman atau pembiayaan kepada semua sektor;
  - 3.2 **KEDUA**, Menstruktur semula dan membuat penangguhan jumlah pembayaran pokok (*principal amount*) keatas pinjaman peribadi dan kemudahan sewa beli seperti pinjaman atau pembiayaan membeli kereta untuk tempoh tidak melebihi 10 tahun;
  - 3.3 **KETIGA**, Memberi penangguhan pembayaran pokok pinjaman (*principal amount*) atau pembiayaan untuk memiliki hartanah;



- 3.4 **KEEMPAT**, Menstruktur semula baki tertunggak (*outstanding balances*) kad kredit kepada pinjaman (*loan*) untuk tempoh tidak melebihi tiga (3) tahun bagi individu-individu yang terkesan di sektor swasta sahaja termasuk mereka yang bekerja sendiri (*self-employed*). *Walaupun bagaimanapun langkah ini tidak akan menaikkan jumlah had kad kredit selama tempoh 3 tahun berkenaan.*
- 3.5 **KELIMA**; Semua bayaran dan caj bank, kecuali caj pihak ketiga tidak akan dikenakan.
4. Penangguhan ini adalah bermula dari tarikh kebenaran permohonan sehingga 31hb Mac 2021. Syarikat-syarikat dan individu-individu bolehlah membuat permohonan Penangguhan dan Penstruktur semula kepada bank-bank atau institusi kewangan masing-masing di antara 1hb April 2020 hingga 30hb Disember 2020. Perlu saya menekankan disini bahawa permohonan adalah tertakluk kepada penelitian bank-bank dan Institusi kewangan masing-masing.
5. Dengan penambahan langkah-langkah bantuan ini, bank-bank adalah diharap untuk dapat memberi sokongan kepada syarikat-syarikat perniagaan dan individu-individu yang terkesan, dan seterusnya meringankan beban kewangan mereka dalam keadaan yang sukar ini;



6. Sekali lagi AMBD ingin memberikan jaminan bahawa sektor perbankan di Negara Brunei Darussalam adalah kekal berdaya tahan, kukuh dan mempunyai dana modal yang mencukupi. Dalam masa yang sama AMBD akan terus memantau perkembangan situasi ini bersama dengan institusi-institusi kewangan.
  
7. Untuk maklumat lanjut mengenai langkah-langkah berkenaan, orang ramai bolehlah menghubungi bank masing-masing, atau menghubungi AMBD di talian 2388388 atau melalui emel [info@ambd.gov.bn](mailto:info@ambd.gov.bn).

Sekian terima kasih